

頤

綵

堂

詩

鈔

頤綵堂詩鈔卷八

秀水 沈叔埏 帶湖

請假省母出京示同行諸君

甲辰

辛苦修書卷帙成

余派修歷代職官表初竣

輒塵僕僕倦春明一官未

抵懷鄉切七子相於結伴行吟趁鞭長催月影夢隨帆遠
送江聲捧觴歸及櫓如火何減紅綾入宴榮

題家秋白

游

水墨荷花

寫將淨植滌煩襟千頃陂塘憶共尋只欠風標數公子飛
來花外立波心

秋日游范湖口占

一水迴連城內外湖光暫借滌緇塵隨他解結千絲網我
欲來垂獨繭綸

嘗新茶和鍾茂才

駕韻

憶歆驚芽動鄉思陸九介節誰能如一串攜將壽春黃貨
錢百萬都捐除香韻清越助霏屑湯華迸躍成連珠君從
何時得此味絕勝嚼雪餐詩腴同州睡後興不淺北窗風
引游羲遽眠雲跂石亦偶爾眼前清景非追逋膏油自淨
不用刮旗槍悉展無畱餘淪以南零或錫谷經過涎嚙名
泉區鬪茶安得蘇與蔡注雅遑問櫝及茶閒軒覓句值歸
省勝遊許續同泥湖

冷仙亭

舊里蹤尋畫壁仙
釣游重訪廿年前
小橋遲月空秋水
喬木追涼剩晚煙
乞夢雙飛真戲耳
通幽一徑故依然
家祠有願何時遂
仍向星湖結數椽

余欲贖天星湖故栖以建宗祠此志鬱已久矣

題張松岳念萱圖

采采後堂萱
春陰覆慈竹
蠲思思不蠲之子泣
風木海虞人文區
孝秀萃華族
靡依感平生
失恃嗟升角
罔異中路嬰
永懷母兮鞠
有則一子單
無固繫我獨
寸草寫片心
長言寓尺幅
抱憾竟終天
解憂而不足
卅年駒易馳
午夜夢常感
卽今侍椿庭
所至著萊服
拂水近十舍
柘湖分一曲

茂宰母衆人哲昆儼家督介祉有陔蘭延年佐園菊八千
爲春秋循良作岳牧幹材行牽絲治譜當詒穀他時念封
鯁肯負衣帽勛

柳坪明經年未及強連喪兩偶并悼其孀爰人蔣春
雨爲作相連不斷絲圖因倣晉宋間子夜歌體題
之五首

種蓮得玉藕藕斷餘冰絲後絲續前藕纏絲無已時
蓮開沼中蓮蓮落莖下藕連絲不入機那得再成匹
斷藕復斷藕蓮零密尚有誰與擘蓮房苦心都在手
採蓮石闕邊還經黃檗塢辛勤把芙蓉銜悲復茹苦

蠶絲染成絲藕絲結不改一歌慰百思藕空蓮子在

子萬畱吳下甥館聞余歸有重九菊花之約逾期來
晤詩以志喜次韻爲答

數行織絡寫相思判乞南歸醉習池裙屐終憐才獨秀娉
婷坐惜嫁偏遲早嘗餅餤輸先輩徧插茱萸展後期薄宦
幾人清似我別來驗取紀年詩

宋陶義士洛山墓圖歌

天水畢白雁來戈船鐵馬爭喧阗射襄城邊一士怒衝冠
裂眦聲如雷奮挺大呼集鄉勇揮金視芥傾家財橋頭號
召橋下戰誓陷堅陳山能摧堙河一掌竟何濟須髯都燕

屋宇隨飛灰是時烽煙亙吳楚紛紛投拜關城開獨松銀
杏戍盡失合謀宵遁虛鈞台勤王詔下得此一擊足吐氣
豈減報韓博浪沙中鎚小堂重築雁門蕩萬鈴嘉菊手自
栽江潮不至降表出二十萬兵北去復此攢高桅物色柴
桑老孫子竄身長往湖山隈生食山田歿山鬼五百餘年
土一抔我聞南渡遺老萃吾郡秀州三義炳斗魁王孫孟
儻亦是文山客祭文欲與炎午名俱推泖南浪翁殷澄字公源
仗劍作說客坐免一境橫尸骸惟有蒨隱氏佚名更姓孰
與爲朋儕旣不從杜架閣謁幕府復不與謝參軍哭釣臺
桑海遺民廣續未及錄谷音詩卷脫漏誰編排天畱欲荒

不荒三尺歿土壟冬青陵骨英魂毅魄猶追陪忠武之墓

田在棲霞兮必復

見輟耕錄

烈文之塋碣淪叢莽兮難埋

見武林紀

事

吁嗟乎墓下子孫奕葉判榮悴松楸再植幸不成蒿萊

趙殷無聞陶有後展圖慷慨生餘哀有山峩眉列對面有溪環抱流潌洄作歌識墓傳永永溪無時洄山無頽

走筆答陳茂才卽次見投詩韻

吾生恥隨蝸角爭晚繆通籍甯貪榮騎驢朝尋橐筆侶翦蠟夜博修書名乞歸將母荷公相手疏一紙容陳情小臣那不戀

雙闕行李蕭然離

玉京歸來午節正上壽捧觴猶及樗花明北堂萱樹祝難
老南陔白華歌復賡暫假已領邱園趣長休終結山水盟
看收芋栗共輝燦更買鰕菜同煎烹區區此意知者少寒
士分不逃譏評比鄰得子短襟豁流俗未許高談清大都
嫖施溷妍醜誰實金羽分權衡莫辭得句便過詫相於詩
鉢催敲鐙

十月初三日展先君墓感賦

一抔手築愴心神霜露欣瞻宰木春但願籬牢成鹿眼何
當松老作龍鱗臯魚已恨難追養稻鴈空煩此薦新叢菊
兩開供潸淚

墓上自生菊二叢俱
云先人愛花所感

愛花精爽往來頻

過雁湖弔陶義士

信國平江昔駐師軍門長揖重須眉毘陵從享兼僧道豈

可斯人不予祠

元師下常州疾事者下及僧道皆祀于州之忠義祠見邵文莊二泉所作祠記及陳

氏忠孝錄序

安吉道中時偕應宿八弟

偃仄鄣南路溪山致絕佳松關虛院塞竹瀼失陰靈石險

憑梯磴沙灣任放簞先人司鐸處遺蹟訪衙齋

四叔祖可山先生曾

任州學正

題負米圖

我昨請急還子舍循陔戒養懷區區扁舟訪舊古桃邑茂

宰有聲纔下車就中陳翁心貌古索句出示負米圖自言
家近螺山麓踏徧九閩雲嶠陬叶憶昔偏慈猶在養出門
幾度牽衣裾依人幕下心眷戀陟山望斷雲模糊乞米過
歸歲云暮親顏一笑跨門間卽今永慕憚遠涉圖中之人
霜染鬢抱圖行篋共臥起悲深風木同臯魚我聞其語重
太息翁其無慚仲氏徒山巔水涯半游子誰實自守圭璧
軀翁雖家世習名法法外一意常縈紆慈良於物必有濟
得諸庭誥言非誣挑燈更讀傳與志給諫陸賓之秩作傳
前輩張守田培志墓
珍重詞筆千璫璵斯圖正合勛孫子君子有穀貽無殊感
我作歌竊自幸辭榮將母爭嗤愚豈知歸思迫省覲一官

敢謂浮雲如分困倘荷故人誼就祿遠勝升斗餘芒屨布
磯從此始知我擔負忘辛劬

口占送錢二潤齋臻北上

詒別偏慳酒數巡題襟遠趁玉京塵青溪暫作探梅客若先

往秣陵紫陌行催看杏人山繞店門仍餞歲辛卯除夕偕侍文端公暨少寇

師同宿東阿行館月斜帆影早逢春謝庭子弟皆羣屐又見翩翩

造翼新

慶積張千久絮譽見齊書崔祖思傳相期知不負門閭辛勤嚮學

三冬足繾綣論交五世餘君高祖鶴庵老人與寒家還往辱贈詩畫俱存偶滯邨

樊分第宅曾移席硯寄樓居長安舊雨如相問爲道耽書

習未除

元日謁鄉賢祠

乙巳

只論潛德不論官

吾郡以諸生入祀鄉賢自明海鹽許長聖始長聖名聞至從父九杞山人闡陽

明良知

在皆先人百行完統志請登鐫琬爰

辛丑吳充一統志分校官

始請以先高伯祖

郡黌展拜肅衣冠尊鄉錄待歸休訂祭

社人同爰善觀俎豆其閒曾有志由來名實副尤難

乙巳六日

詔舉千叟宴守臣集闔郡搢紳詣天

甯寺望

闕朝賀恭紀

燈火星光簇作堆曉籌未報寺鐘催相邀鶴髮松喬侶

錢

石少宗伯時年七十有入許點鵷行樗散材

萬壽無期詹六日五雲成景望三台耆筵慶共酺歡淡

聖代於今第二回

早春游白蓮寺

吹面東風已作顛東林舊院接東田壞墻久剝倭奴字春
水纔停估客船莊舍尙畱漁市集詩人誰繼鹿千篇謂屠東蒙
金塗塔版歸何處說與殘僧總惘然

春分日送袁春圃觀察泉南

迎來輶傳動驪歌纔對官梅倒叵羅昨孟版下句共飲郡署一路看

花春色半全家噉荔

主恩多案山雲紫藏金粟臺海波澄湧翠螺

輦下重逢旂節至相期三接在

盤坡

子萬館邗上寄畧客齋清明詩次和一首以慰旅懷

輕寒輕暝賣餠天綠徧揚州楊柳煙詩卷添將吳市本茗

旗展向蜀岡泉板袍客授纔三月席帽行吟又十年

乙未清明

余北上邗
邗最久此地底須論去住興來一醉總茫然

梧桐禪房示品封姪

再入靈龜寺

精嚴寺在錢文穆王時名
靈龜寺見至元嘉禾志

仍尋老鳳枝論文

尊有酒覽古壁畱詩

少嶽山人贈兩泉
監寺詩墨蹟懸壁

繁短功無棄鐘沈

晷暗移由來賢達士多此下書帷

荅夏村

吾宗千萬葉又挺出羣枝暫憩維摩室新裁騎省詩

君纔賦悼

七義根如弗貫花底任牀移竊比文園倦時容款絳帷

萱榮以種痘殤雲泉賦詩志悼書此示慰

去年傷弱息

入弟次女萱蔭痘殤

今歲墮春雛偏減膝前戲況承堂

上娛驚聞憐稚齒感我憶童烏

謂璧兒

知有重來例應看犀

角殊

精嚴寺訪故明雲望上人冬谿外內集疊前韻

指鳥投高樹聽蟬過別枝曾繙開士傳愛誦澤公詩屢滿

茶瓜洽輪傾梵夾移

寺有輪藏閣久圯

按羅禪藻在袪暑一披帷

范湖小憩

稅暑曾無地通流僅有津老僧祈雨返新燕掠波頻祠壁
添詩版城隅罷釣綸買園吾所願終與寺鐘鄰

題汪慕園錄夢遊溪山圖

吾郡小瀛洲十老社曾集後來小方壺君家傳四葉君今
館其閒慙憩北窗榻耽吟任朝眠領趣成日涉云何清夢
俱復有真境躡淥淥溪一曲簇簇山數疊妙寫天姥遊珍
逾阿環笈尙遲勝引偕驀遇獨賞愜契以神理超嗤彼體
性雜安知惠非魚未覺莊是蝶海上舟可帆去人生屐幾
蠟預約禽尙期此圖貯行篋

梧桐禪房訪明元岳山人尙元草版疊前韻

吟看桐著乳瞥見葉辭枝爲訪高僧蹟兼傳隱士詩斯人
隨物化此日幾星移墜簡誰能緝凝塵鎮滿帷

遊石佛寺追次朱文恪韻

壩指麒麟一權過盛唐荒寺尙川阿寒泉

井名一鑑泉

古磴圍

蒼蘚喬木脩柯聳綠蘿往昔流傳碑墨少

寺有孫簡肅姚禹門二尙書碑

記殘僧習隱竹林多無心人拜無心佛參得無還此若何

諸暨道中

桃花晚飯煮雲根碧玉溪流曲繞門見說西施畱舊俗停

舟先問苧蘿村

國朝詩言金卷八
稻畦似鄧峯園黛茅屋飄帘酒盡醇聞道宣何地名惟兩姓
居然村落是朱陳

遊水竹塢之次日題鐵足上人水竹幽居圖

步出西峴門言遊西峴山筍輿自邇迤山徑何孱顏飛泉

漱鳴玉石磷聲潺潺

山畔即水樂亭

簣簣幾千个風戛青琅玕一

塢踞其顛登頓十八盤誅茅昉幽谷

明萬厯間禪師

紫雲巖名護禪

關升高得異境信美忘險艱昔聞張玉笥讀書翠微間至

今懸瓌翰

邑人張尙書國維存廬錫重飛額

遺蹟輝雲煙竭來東陽客欲

締巖栖緣萬卷不移具行當借林巒出爲出岫雲處爲在山泉道心生寂歷塵俗邁囂喧坐收太古靜暢領浮生閒

山靈儻我許左證畱詩篇

題東陽縣

足傲河陽令燭梅樹樹花

邑出梅樁擅巧浙左

青山環縣郭綠酒釀

田家百舌千聲囀雙溪一道斜

境有南北兩溪匯爲一流

高臺祠宇在

吳甯臺祠後唐令殉難張忠愍潮處

終古薦寒葩

江山歸舟

江山如畫笑談中足踝偏能盪槳工一覺烏鴉船裏夢不曾愁浪復愁風

春雨蔣兄以所噉楊梅漬爲木芍藥寫眞復以草汁作葉生意可掬錢文端題曰天生富貴丙午孟陬

余假滿還京出圖索詩賦以志別

詠物必此詩讀書求甚解二者多失真性靈欠揮灑觀君
寫牡丹章巧謝五采鄭氏草爲葉楊家果成藥沒骨效諸
黃折枝分左紫著手攸化工賦色有如此一從錢老題獨
擅蔣生技行看長安花馬塍不相待珍重展君圖相期意
仍在學畫我未能愛亦入骨髓歸來及花時與君論畫理
康熙間任邱令家培庵先生寫吳越江山圖曾孫夏
村茂才出索題句

亂峯難鎖怒潮降劃斷吳山與越江寫出霸圖隨逝水趙

畦
袁康
史筆健能扛

壯觀平生似此稀
拓將胸次興遄飛
扁舟一葉乘風便
我亦初經踏浪歸

題倪耒齋秋塍納稼圖

六雅美華黍五稷
利嘉穀候歲屆趨
收逢年紛刈熟及
此曬趁晴先期場
改築雲水陂一空
里間氣俱穆拾穗
任取攜栖糧馴飲
啄連耒響同井有
廩高及屋打拂復
鋤揚烏節間黃糝
想見落杵時精舂
粒如玉君家傳帶
經先疇重農服勤
惟晝漂麥慧取幼
辨菽偶倣卞田居
耕蠶各分屬更慕
程鎮西刈穫躬自
督余亦起犁鉏耕
道甘脫粟猥乏儋
石儲遠糜升斗祿
養希負米繇交謝
指囷肅願同東田

觀敢後西成祝斯圖孫子貽肯播厥父勛庶俾習知依於
以勸敦俗

題師樸園

彥公

觀察聽雁圖次放翁雨後極涼料簡篋

中舊書有感詩韻

看雲白日忘朝晡聽雨彭城飄泊餘杜蘇有句誦不得振
觸秋意催庭梧使君有弟滯關陝萬金喜接梁山書馬聲
不至雁聲至坐令聽者凋顏朱君宦南河廿餘載弟兄小
別歸園廬孔懷如此古誰匹韋家花樹田荊株嗟余兩弟
各在遠夢想燕豫愁難祛披圖往復攪離思悵望河中雙
鯉魚

題春明送別圖送張拙餘晚江之遊

君從梁苑來燕山一笑鄉音廿年隔我歸省覲暫循陔馬
蹄空負看花陌重來索米滯長安羨君南遊近鄉國送別
那堪寫作圖銷魂車馬長亭迹振觸平生惜別心脩門五
入無休息況乃日邊遊子單輦紅塵浣斑衣色不愁多技
復多窮君本諸侯老賓客卽今鬢髮已蒼然犯雪津塗尙
行役縱然到處有逢迎何似浮家五湖宅改歲期君聚故
園把杯問月無南北

三月十日喜青垣少司空移居結鄰以詩奉柬次庚

子春辱贈詩韻 丁未

脩門容易去來頻復此論文學受辛酬唱曾爲傾坐客叫

呼暫作隔離人

用南史張鏡顏延之事

虛懷愛訂青箱業

司空約子廣家兩川

所著易

厚望難酬紫陌春

昨聞作甚承許可

話舊儘饒何米在舊人

惟有何載在舊人惟數

米嘉榮並劉夢得句聞歌那不醉芳醇

秋日展先君墓

得第倍思親秋來展墓頻
蒹葭驚露夕鷓鴣感蕭晨
水闊疑無路村深卻有人
十年風木恨此際獨沾巾

重九後九日偕錢恕堂重訪真如寺僧寮卽次香樹

齋集中韻

碧紗題字想猶存樹繞禪房水繞門
野外尋詩參佛語牆

陰寬路借人言風微清梵傳遺響雨霽浮圖埽舊痕最憶
花時曾醉處歸舟饒睡已昏昏

立春日作

涂月二十
八日

天遣韶華富老萊不嫌散漫託樛材喜逢芳歲新連舊卻
似征夫去復回爆竹聲催殘雪盡玉梅香送早春來逼除
心迹清彌甚但覺崢嶸到酒杯

題王書田

兆豐觀易圖
戊申

善易推二王子雍與輔嗣相望千載餘君豈其苗裔君家
本蘭陰婺學洵有自老耽性命言靜悟天人際有時觀象
材每日尋爻繫姤往復仍來閒窗得大意近頗與耳謀語

我目苦醫而能體諸身隨在見易理叶與君升角交遊庠
憶同隊轉眼四十春舊學幸加遂我亦學易人昨從遽齡
始宋志二百家誰能析同異暇許過新塍尊酒有餘味八
出七轉間願聞第一義

春雪再和韓韻

寒勒東風靳物華辛夷未放柳初芽無香有豔偏驚絕也
向人間占百花

答客嘲

人逢姑射方知雪夢到巫山始見雲生怕傷春復傷別尋
常肯學杜司勳

宿觀海書院

亦復嚴更柝心知近海防十年人事駛

庚子秋余曾宿城外

信宿客

蹤忙酒氣消殘夜鐘聲徹上方平生習無睡伴我只書囊

陳映之學博索題弄珠樓追和董文敏韻

望去煙波際碧霄憑欄千頃色漻漻虛煩人倚秋空笛莫

問誰修月底簫劫換昆明灰未盡

湖陷自漢順帝時

光浮巖社彩

難消

高郵樊良鎮正當珠往來處有玩珠亭見夢溪筆談

喜仍樂歲逢循吏更仗詩

家與作謠

宗伯文章墨妙兼勝游塔影落空潭檻流九派來天上窗

列羣峯占郭南神女定畱清玉佩仙人應頓紫虬驂當年

片石看依舊幾徧摩挲繞綺欄

次韻答汪七職方

眷

闕難忘

上苑春曾同紆紫復垂銀耽吟未肯輸元禮

君富詩篇幾於一官一集

嗜飲何妨傲伯倫顧我雖貧猶灑落謂君已老尙精神玉屏山館增多景可許移家暫卜鄰

題朱稼堂年丈遺照

有松作龍鱗有泉飛瀑布哲人嗟已亡一經起長孺令子大雅材蚤造扶搖路歸來輒塵中重尋白雲處義型緬畫

圖手澤畱簡素卽今長兩齋霄川恣沿溯願言湖學興貽
茲令名譽用紓風木悲足展靈椿慕我亦無父人振觸此
題句

次答何蘭士水部同年并寄懷令兄硯農吉士同年
一第

恩榮尙未酬敢云輕汎五湖舟烏私繆許情陳李蝶化偏
容夢逐周早達君眞才未易晚成我幸遇還優水曹例屬
詩人占況有金昆在上頭

題朱蔬坪前輩品茶圖次山谷謝送碾賜壑源揀芽

詩韻

己酉

紫筍無瑕重圭璧顧渚名高天下識報春鳥喚抽驚芽唐
人充貢尙方食天隨治園畱鴨欄遠致泉水怡襟顏先生
頻歲領書局生小明月峽中宿鄉味難忘綠腳垂假歸肯
戀金蓮燭愧我後先趨建禮嗜醇渴如龍飲渭洞山羅芥
蓬萊春浙產沾脣畧相似酪奴縱欲傲羔羊能澆文字都
撐腸魯公窪罇遺舊蹟我昨登臨花草香南潯下若不脛
走更遣畫工圖品酒

金明寺訪秋潭上人遺蹟追次朱文恪韻

信有漁竿趣言尋雁字堂

時九弟讀
書于此

舩公餘舊隱而我亦

鄰坊帶水全通徑連林半出墻寫金遺像在生計那能忘

失子篇追和韓韻 有序

職方汪詵庵七兄哭其弟十子玉麟成十二斷句末章云
孟郊才退交游澹慰問誰貽失子篇余不敏何敢上規韓
子顧辱與職方宦同

朝處同里而喪子之戚則余於丙戌丙申再罹斯酷有同
病焉不可坐視其喪明而重以離索之悲也謹追次韓韻
以貽職方昔石君美有子年少而失黃山谷嘗書昌黎詩
遺之且云時以觀覽可用亂思而紆哀區區之誠竊附斯
義爾

昌黎詠失子祖騷而問天天道測以遠物理觀乎偏彭殤

判修短或延或不延由來夙所稟欣戚須臾閒玉樹埋向
土珠襦送歸泉坐令父母心惓惓何時安誦君哭兒詩充
閭推德門兒生行第十鴈鳩養平均五齡多識字踉蹌逾
門關肩隨諸兄後嬉戲及良辰俞跗世罕遇誰能扶其顛
遽以疾咎醫未察致疾因醫且不任受迹似理豈然君誠
富問學得不窮根原么豚與暮鷄少子尤愛憐明珠在掌
失淚目恆鰥鰥春雛一朝墮無復見飛翻烏啼夜猿叫一
一摧心肝我昔喪孿子鞠育空辛勤相隔二十載思之猶
宛然商瞿行有待伯道肯同歎平生默自省庶幾見善遷
飲灰洗腸胃安敢怙不悛箴規荷良友所賴久往還君今

況多男荀龍八九人後房矮嬌者環侍櫛與巾無爲罪庸

醫聽我誦前言

余兒傳壁年十一背誦周禮能一字不遺以下利天歿余哭之有句云慙非慈父母

悔不學神仙

君當勉破涕齒多所欣

還書段孝廉

玉成

以詩寄懷

金沙才子酉陽編一別俄經十八年記否雙湖楊柳岸何時重繫孝廉船

藏香訓袁春圃方伯

我聞小西天名曰烏斯藏有香庵以殊無佛喇嘛妄市羸聚蜀都貢遠陋邛杖辟邪兼辟寒卻穢同卻瘴百品壓都梁萬里列亭障閒嘗按輿圖有足資博訪江卡至鐵凹攢

巒而沓嶂說班多以西地柏儼盆盎取料皆此樹枝樛連
蜷狀紅者何物成番紅花爭映叶黃者價稍昂龍鯉指爪

猛叶厥篚包楮皮其國枕葦蕩蠻夫擔重荷犏牛載兼兩

雪嶺白嵯峨金沙黃浩漾獅舍麗層霄革船渡惡浪拉薩

番語

不愛珍次霸

番語

豈愁掠袖編紀鎖喃舌人非譎誑

周末傳化人執袂願騰上靈關闢相如絕國通博望回鶻

再朝唐摩尼汗所仗明初設官司

洪武六年烏斯藏招討司印見康熙間總督席

爾達

偶舉事終曠不鏤入吾

朝威棱德洪噶一從

賜錦幘百倍榮蕃帳繡韉舞佞童金甲戲天將藏果釘賓

筵法華琅梵放緬昔東宗喀香界噶丹

衛地寺名

劫邈迤至衛

西黃教迭演唱達賴大智慧莊嚴具諸相甫生卽能言三世知不妄恭逢我

文殊

進表稱
皇帝手執蓮花清淨座下

文殊菩薩至聖

日入九化向清淨坐蓮

花徠賓禮曾抗閭年昨旱癩畏景轉炎煬老母被隆暑泄瀉嬰微恙不憚滌廁腑所苦竭津臟貧乏甲煎供質有膏爐長珍逾握椒貽佐我白華養虛室生吉祥篆煙乍搖颺一炷氣漸舒再蒸神已王裊裊九竅透郁郁百骸暢快比酒健羸霍如鹽療脹難老祝延齡新秋勝飲沆默想烏拉

番語牲畜

馱遠踰鄂博防牛頭記海岸鳳腦談瀛閬閉閣慙小

宗循陔秉微尙行和良在茲高誼焉敢忘金鱗噴猶餘銀
鴨燼仍仿賦詩補香乘庶用荅嘉貺

蓬萊春歌

有序

郡司馬遵義咸齋王公治當湖有聲旣報最蒙

恩遷秩益弗懈于位循績不勝書余自丁未以母老告歸
閱歲曾主乍城觀海書院與司馬談藝論文交深道誼已
酉春移居兩帶湖間辱司馬式廬窮巷拜母北堂母年八
十有九康彊善飯每夕膳能罄醇醪三巨觥司馬因是遠
致越酒用俛賤子白華之養歲時餽遺以爲常余躬拜嘉
德心識不刊息鞅里門愧無以報望古興感爲賦蓬萊春

歌

昔聞劉刺史營卹杜行齊市租俾免家人饑又聞元道州
保遂張季秀水田官給供梁糗孰若司馬真愛人及其親
慈以旨甘飲以醇一泓海向杯中瀉承歡恰得蓬萊春我
昨請養歸故鄉羣公爲我成草堂積帙已幸列梁栢洗腆
復叨羅酒漿君子有酒多且旨小人有母壽而臧蒲臺一
車何足方廣帥百榼時相餉吁嗟乎此誼不可忘海水量
平情等無量所媿人非北郭騷粟分晏子常資養

莊竹溪表弟乞余書以鴨來餉並引換鵝故事爲比
舒鳧之美以鴨塗得之余何敢當訓一絕句

換鵝書後換羊書比例非倫繆及予幸未能言驚驛使家
雞野鷺畧相如

次答莊觀侯表姪

移居只隔巷西東親串相於有素風敢許文詞碑有道惟

堪酒德述無功雙湖與結滄波友獨樹常依偃蹇公

先人
手植

老松問年將
再周甲子能共譚詩消永夜不妨來坐漏聲中

汪廷楷徐守經二茂才深柳聯吟圖

庚戌

醴泉交讓結相於張陸當年並宅居此柳風流仍可愛更
將韻事屬汪徐

題包秉之雪山歸騎圖

壯游裘馬自翩翩聞道西行欲到天
萬里越鄉緣底事伊犁戈壁接和闐

去日黃河冰已壯歸時翠嶺雪初乾
桑蓬自是男兒志只作清涼倒刺看

游子思親減盛顏征衣常染淚痕斑
回頭一望同銀岸此日眞成入玉關

六月二十一日偕懷有芷孝廉同年暨其弟景魏湘
喬兩同學游徐氏池塘觀竝蒂蓮復過姚羅浮園
亭小憩口占二絕句

華隱先生歸隱處入門無復舊軒窗
桑陰驀地遊人到初

日芙蓉並蒂雙

尙書西第寄衡門

明姚司空故宅今爲錢文端一紀栖遲第其西偏頤和室余嘗寄居

其弟昆今日卻尋公別墅竹林猶有數峯存

頤綵堂詩鈔卷九

秀水 沈叔埏 帶湖

初正涉七辱東籬江田諸子來集帶湖草堂東籬有
詩見投十日復招飲所居舫閣疊韻索和余比因
室人臥病吟興久澀念合并之難數而諸子又將
各賦遠遊也勉次一首 辛亥

春陰動經旬雪止雨復滴出城阻僅游卽景多驚惕及此
羅辛盤猶然展良醜一權自延緣空雲任蒙羈把酒傾談
諧聯吟互賞擊牢丸試重煎蔬甲堪再摩伊余希老萊掖
省謝孫述二三倚素交還往遣元寂旣見襟暫豁未見心

如怒話舊感易生知新疑與析物象恣揮灑盲聾資抉剔
君果志兩湖無忘次鉛摘

雲溟二弟之任懷柔寄三絕句

辛苦名場九折難先余得第博親歡重新治譜無他術

先玉

崖叔宰崇信
十年有惠政只要循良作

去好官

牽絲亦幸隸黃圖汎埽常勤

蹕路趨曾是 停鑾畱

睿作彈汗

平

一首和能無

乾隆辛丑九月
旋蹕道經懷柔成

彈汗行七言
上自灤京

古風叔延會
恭識跋語

宦情鄉思兩縈迴不廢登臨大雅才聞說澗流寬一丈退

衙試上釣魚臺

在縣西三里山水殊勝

余生丙辰里中約同甲數人爲逢辰會始庚戌八月
改歲花朝前一日友堦葛雅宜明經續舉此會適
魏松濤明府來預卽席有詩次答一首

同甲會兼真率會樂閒居

三字本文巾子

又樂昇平花迎今日風

催放坐接高談氣轉清薄宦味都忘嚼蠟歸田貧亦抵炊
瓊停雲句好煩投贈親串過從只一城

題黃思堂

本誠

明府蘆花淺水圖遺照

君蚤登賢書製錦遠之豫言攜宓子琴而作衆母咻治旣
飾經術學尤嫻掌故

修新鄭志

至今茅魏問遺愛傳岐路高懷

寄江村倩寫司空句擺脫宰官身耽茲釣魚具題詩緬蘆

涇

謂姚侍御

作圖愛二樹

山人童鉅

轉眼石火中先後修文赴我本

澹蕩人頗洽滄洲趣感舊重沈吟聊比山陽賦

送石紅泉

爲幹

茂才游嶺表

兩湖新漲綠于油話別尊開水上樓憶與故人曾有約輸

君先作嶺南遊

芙蓉驛外快登臨榕樹畱人數畝陰丹荔素馨香味絕故

鄉無此好園林

宦學徂徠舊有名多才到處坐能傾南園詞客堪酬和要

把歸裝傲陸生

三月三日同年趙味辛舍人偕金鄂巖比部蔣春雨

明經枉顧同泛南湖歸飲草堂漫賦

侵晨叩門來二妙相見暫覺心神舒
蘭陵桐川聯檝至坐定訝我形何臞
我因婦病閱半載摒擋藥裹忘朝哺
柳條風輕屆寒食正值元巳花敷敷
以寫我憂遊亦得步屨且復出郊郭
滌湖被禊致不惡況有蔣生偕履絢
上冢回船紛士女乘流盪漿隨鷗鳬
樓頭迎春未全落吟眺差足爲娛娛
趁晴亟歸日已暮問我窮巷指白駒
草堂尊開共斟酌斗酒仍出閨中儲
盤餐草草誰主饋沈痾那得逢夷貊
客去依然鬱懷抱仰看新月窺庭隅

題李梧生

承烈

明經西江吟月圖

月湧江流一匹練，巫峽巫峯幾回見。
歸向西湖自在吟，東華香土何由羨。
萬里青冥到便高，君身仙骨負詩豪。
何當采石金陵路，笑指乘舟宮錦袍。

鶴雛篇次和朱蔬坪太史前輩

衡宇相望兩帶湖

余居衡錦帶湖太史依園傍寶帶湖望衡對宇一水迴連

聲傳雙唳

到潛夫如梨每歲頻生卵

見冷齋夜話

似鷺今年竟伏雛，迂闊

肯爲劉錄誤低昂，真入薛公圖。家禽珍重畱先澤

鶴爲尊甫觀察

公所遺閱今十八年矣

咫尺雲霄路不孤

曉城固令朱育泉

相思不相見親串溯高曾

君高祖竹垞先生嘗讀書吾家余會祖姑爲先生胞弟千里公

配以節著見靜志居詩話

治行傳歌薦清聲勵飲冰達人終有後

謂竹垞先

生循吏豈無稱馬鬣崇封日銘幽倘尙能

君行狀余所手定

送錢璞巖之南康觀省

錢江此去朔風寒直上嚴陵七里灘送爾趨庭到星渚挂
流噴壑足奇觀跂足看雲歌有弟萍蹤先後滯彭蠡還憑
傳語報平安亟整歸裝趣遊子

題梅鶴圖寄壽朱二梓廬夫婦六十時宰廣靈

壬子

羈紲論交地文場角兩雄及余辭日下之子宦雲中官況
梅花似閨賢鶴算同趨庭攜妙墨無忝舊家風

四月八日朱秋巖表兄招集湖樓次松濤韻

是處垂楊好繫船晴雲飛動蔚藍天風帆遠送窗中影野
鳥輕翻水上煙僧住常閒偏肯款客來不速自相聯未周
甲子難稱老也被人呼作散仙

陸彝亭五兄以湖舫雅集詩見投次答

層樓跨兩湖所欠蒼巖足招尋素心人瀟灑閒冷局暇卽
盪扁舟強如丐一曲況乃補墜歡風光有專屬深色花一
叢遠程帆幾幅偶諧物外期且共尊中綠醉趁新月歸煖
思春水浴願言平生懽嬾與少年逐薜芥詎畱胸磊落慙
貯腹取適在詠歌斯陶亦匏竹舊鄉頗怡情勝地聊縱目

櫻筍行開廚酸鹹嗜殊俗此游不厭頻此會仍當續乘興
便浮家中流堪結屋漫嫌詩拙遲儻許不受促

題袁春圃方伯鴛湖茶舫圖謹次韓城座師元韻

兩湖舟似五湖舟淪茗曾經此獨遊彷彿熙甯蘇玉局
倅杭來艤白鷗洲

瀟灑羣推

紫禁仙卷中風貌幾多年謂公已老何曾老載酒他時更
放船

澆湖湖畔望湖亭歸計閒繙耒耜經水是還鄉偏有味品
泉底用問中冷

一雙綠髮一花鬢肯忘龍團

遣賜時茶話儘堪供倡和吾鄉不少寄公詩

乳燕三章和錢芑塘太守韻送麗川北游

不向鷓鴣借一枝營巢已幸得崇基春深始見春雛長也
似人家育子遲

試飛只共畫檐齊學語頻穿絲柳低認取紅襟辛苦意芹
泥幾徧啄花谿

通社纔過候翦蔬養成毛羽氣和舒可知王謝堂前物肯
仿他家瓦雀居

見螢火和杜

莖草化一螢飛容易生衣換熟衣入室喜占嘉客至披
幃似訝故人稀惟將苦志償燈燄敢以微軀傷月輝憶爾
隋隄衰柳外飄零何處送將歸

閏四月十八日余偕九弟雲泉集執戚十七人飲于
湖舫虞榮泉同年以詩見投次韻奉答

但有水夾鏡而無山揅簪瀕湖幾蘭若亦可窮幽探
羣雅惠同舟閨餘茲弭楫四坐紛譚諧百家恣搜獵
所期好風日安得嘉酒肴考評襍論難監史寬號嘆
庶幾襟抱舒各將鬢須照唱晚趁鳴榔歌飲趣返櫂
良辰不繼燭明月來作燈殷勤申後約大火西南昇

題松濤明府春耕餽餉圖

曾共公車踏輶塵貌將攜僮

冀缺攜僮見陶詩勸農

儼如賓宦成輸

爾歸田樂難老仍偕舉案人

窈窕惟應伴綠窗偏甘作苦鹿門龐春鉏不稱風標目添
寫鴛湖鳥一隻

翠剗初齊暑漸蒸翻車水白浸千塍官人雖是不官樣真
箇插秧能不能

七月十六日同人訪太古道院閱寫本道藏僅存什
一因過幻居庵索觀華嚴墨海不得東籬有詩榮
淫繼之余亦次韻

蘭交枉蒿徑高興先近垌浮舟訪蕊笈步履尋禪局野靄
迂池檻新涼俯風櫺雨餘蚤稻秀露戒秋林青已殘丹錦
囊見蘇詩
讀道藏復斬華嚴經殷勤再遊約孤負半日停慙余汲
修綆陋彼守挈瓶卽事寡所愜不如泛漁舲

蓼花次韻

沙頭相候似長干千穗輕紅易入寒臥雨揖風偏有態水
痕天影自生瀾懷人楓葉分遙渚伴爾蘆花指舊灘肯借
尊前當春色酒船窗外盡情看

題南樓老人松梅

上元弟子傳仙筆手寫松梅擅一時三友耐寒須竹補雙

清寄賞只心知鬢融絳蠟催春到
翰屈蒼虬展候遲我本
循陔采蘭者題詩還借擬笙詩

花朝集魏明府鶴山堂次韻

癸丑

預約芳辰便有情陽春一曲又先成
郊扉遠矚花齊放客
坐深談僕屢更此會分番仿真率
他年我輩倣耆英與論
出處多林下笑問誰寒戴笠盟

帶湖書堂鸞粟盛開何七蓮浦有詩賞之次和一首
低亞花枝任客攀花時雙燕認巢還難將綠酒澆他徧不
用黃金買得閒穠豔幾曾充近侍繁華那肯到秋灣貧家
有此添豪興也博清詩響佩環

汪七職方寄脉近詩率題奉懷

一官一集舊聲名
歸享林泉句轉清
詩卷傳來如束筍
眞看脫手彈丸成

亭館添將嘯咏閒
一峯特秀玉屏山
鄉園如許輕拋卻
那更移家峯泖間

恩頒籤帙爲誰開
笑我惟耽故紙堆
萬卷藏書容借讀
一紙載酒約重來

上海陸羹崖

慶堯

出尊甫耳山副憲遺詩索題敬識

一首

蘭臺挾天才
雄筆千緯象
昨聞歿遼陽
哲人萎安放
次君

清潤姿文譙沙棠檠

庚戌夏始晤于滌湖席間

別去曾幾時樂樂在苦

壤父書今重號

號泣讀父書見南史張融傳

壻才夙推朗仍從甥館過

復枉衡門訪懷袖家珍攜手澤時輩仰恩勤鳳穴雛嘹唳

鶴陰響遺墨雖不多千金故堪享余媿躡後塵修書荷吹

獎知己感平生懷賢嘆已往誦詩涕漣漉吟罷心悵怏更

觀和韓篇

公示長君慶循有和韓符讀書城南詩

誼訓洵稱兩

王湘草鍊師贈佛手柑

品識飛穰貴

飛穰佛手也見藝海淵酌

珍逾法果看拈花待迦葉吹氣

壓栴檀喻借參非指香畱淪小團壽觴持益算駢拇薦堆

盤

乾隆己卯庚辰間王穀原前輩卜居西埏里於後圃
積土敗瓦中得一硯左側刻墨林項元汴奇賞底
刻天籟閣字篆法甚工紫色而發墨莫能名其產
何巖也王湘草鍊師乞得之癸丑新秋出眎余紀
一絕句

蘇米遺珍贗鼎多樓高硯曙較如何

吾鄉譚埭庵先生得宋王梅溪硯名樓曰

硯曙蘇之東井米之衆星拱月其藏硯也

一方天籟閣中物書畫於今嘆逝波

七月十六日集竹溪玉樹書屋看盆中素蘭廿五日
彝亭復邀集敬脩堂看素蘭口占二絕

吳涇橋畔芳筵賞范蠡湖頭羽酌歡最喜雙清聯主客素

心人對素心蘭

冰肌玉骨水爲神除是彝齋與寫真我本循陔謀潔白坐

中添箇采蘭人

謂介甥大鴻臚
馮星實前輩

題汪翼亭上舍好古圖

酸鹹與俗殊物皆聚所好我生百無能黃卷求先導

晉褚季雅

謂所親曰聖賢備
在黃卷捨此何求

三復褚生言奚啻吾師詔飭書四十年

積帙充蓬藿至今著讀勤閉門甘卻埽汪君志嚶嚶寫出

古心貌圖史敦盤盂平生寄歌嘯秋花插滿瓶坐攬興所

到由來澹蕩人約畧領其妙他時訪古歡入林許同調

偕何蓮坡及九弟雲泉遊梅溪庵

一水延緣去經過記我曾徑荒猶有竹庵廢竟無僧暗壁
晴看畫危磯晚歇曾題詩聊爾爾排悶亦何能

題李墨莊舍人登岱圖

尺幅寫成登岱圖皴染墨氣雲模糊四十里程只一瞥送
君直上憑籃輦君從詞垣入掖省暫辭

雙闕離金鋪索遊南來再適此停驂未免心煩紆一登日
觀豁遠抱扶桑暎捧黃人趨齊煙指顧分九點衆峯羅列
兒孫如我昔扈遊曾橐筆晉陵髯劉謂青垣少宗伯偕

蹕途屏營悚息謁嶽廟未窮絕頂凌空虛仙人六著失交
臂過後想像徒嗟吁君家左縣足山水峨眉況矗東南隅

白龍池頭竊龍子下山未半轟雷車固知羣嶽在方寸安
有蒂芥胸中餘卽如吾浙亦不惡曲江海潮天下無忤君
行勝飽所得詩卷何止牛腰麤我今親老尙負米遠遊未
敢隨履絢向禽有約不願果惟南獻壽懷區區當向黃癡
乞粉本

圖爲黃小松所作

臥遊屏障張吾廬

次答李墨莊

莫以山川開繇州與秀州蜀才看吐鳳咳養愛盟鷗十載
三離合

謂乙巳東陽丁未闕下今杭州府署

餘冬此倡酬吳甯

東陽署中臺名

登

眺處相見話從頭

雲栖道中

卅載尋山約今來願始酬吾宗開佛國浩劫奉

宸遊山僻疑無路江平似不流殷勤永朝夕雨雪未能留
昨臘月十一日余在杭州冒雪遊栖真歸見松濤喜
雪詩因次其韻

三白自來稀誰真翦水飛慣侵潘岳鬢新點謝莊衣江上
漁蓑重山中藥草肥雲棲歸路遠仙梵聽微微

孟陬二十八日丙辰雅宜友壻招賞梅花次松濤韻

甲寅

權當西湖處士家每逢辰日會非縣相邀吾黨二三子共
賞春風第一花索笑漫教燈影亂扶歸須趁樹陰斜主人

醉客年年慣癡絕神仙只鍊砂

花朝日集鶴山堂次松濤韻

寸祿惟心默自耕依然子舍一書生出郊爲踐看花約移
席重尋舊酒盟聽野鳥歌頻斷續覓鄰僧語數招迎年來
此樂誰能共只有歸山向子平

題陸尙之

文綱

愛日圖謹次姜度香座師韻

辛苦當年式穀心流輝循吏與儒林銘傳孔鼎恭三命教
啟韋經勝積金比閨相從會梓里趨庭是處有棠陰紀羣
交誼敦如舊太息南歸歲月侵

中丞清德畏人知尺璧分陰課子時模範羣僚千載事典

型吾黨一篇詩寓公例合稱先正蒙養功堪補少儀早晚
父書刊刻就鳳毛會見桐荀池

口占送虞榮詮同年之任富民

遙知爲政擅風流吾黨推君學古優莫笑虞翻窮骨相專
城新拜富民侯

天上麒麟抱送時雲程萬里此牽絲手裁簿領親風雅按
採楊門七子詞

學繡村畱未表阡崔融爲我卜牛眠關心地下瞻依近戴

笠炎歊泊野船

君兼工青紫囊術
昨冒暑爲余卜地

懶散終辭鵲鷺班思兒哭母幾摧顏舊游誰最過從數那

不臨岐淚重潛

尊酒論文不厭貧舊家人物自清真宦成早作歸田計
傍水漁莊好結鄰

瑞周圖歌

郡博李齋生得孫設辟適錫山王立人侍御來訪
侍御年五歲侍其祖教授公于官舍閱五十七年
若爲其孫先兆者然余過揚州齋生出圖索題走
筆成此

禮云抱孫不抱子懸弧甫周瑞奚紀一從學舍繡衣來隔
夜燈花先報喜瑯邪祖孫積慶詒烏奕聞人伯鸞里卻溯

踉蹌門限時低徊五十七年矣須識麒麟抱送爲故教驄
馬重過此主賓款洽一尊開此事人生能有幾爭羨烏衣
雀桁王請看莢葉蟠根李我雖未及試啼聲頭玉硤硤占
鵲起徵我詩介君社家之瑞乃家之肥產祥降殷長無已
紛陳玉果與犀錢隊戲瑤環共瑜珥騎翻竹馬繞庠黌撞
破煙樓拾青紫我今正少晬盤兒餘瑞平分君可爾教子
一經行教孫乞君方法續且似他年莫忘作歌人交在紀
羣從此始

自徐州南還入黃河船作

也替乘楂暫入舟望窮天上是黃樓平添鴉軋鳴榔響轉

異龍門脫箬流一路雲山堪作伴中宵風雨迴含愁淚河
東注傾難盡無復門閭倚白頭

次答朱秋巖八兄二首

乙卯

勞人無那馬蹄忙松菊先愁徑就荒到處官齋邀下榻摧
心子舍罷稱觴夢迴野店家偏遠雪滿關河路正長珍重
詩篇多厚意裛裛念我客他鄉

小驛橋頭好纜船杯盤草草只隨緣映階臘雪兼春雪移
席新年接舊年謬許淳風追老輩仍將良會繼前賢

前代鄉賢

里居日多舉者英會試燈時節寒猶峭消息梅花問酒邊

閏二月六日先贈公瑩培土見塋後杉樹青蔥可愛

感賦二絕

近淚何曾土得乾廿年宰木已根蟠
樛杉也要高千尺眞作凌雲合抱看

冢前柏是眼中血

慈母冢前柏孝子眼中血宋楊次公送沈漢卿拜母墓句

罔極恩深

報不成徑欲移家墳左住更將此樹當長生

本嵇含長生樹賦序

三月三日錢芭塘世丈招集聽濤軒次松濤韻

花養輕陰正好天東風也解主人賢都將我輩逢辰會併作今朝上巳筵三接

新恩迎

輦下兩湖舊事話尊前角弓珍重勤封殖老樹龍鱗累葉

傳

詠蟬次鍾海六韻

莫遣中郎誤聽琴未秋儘爾最先吟
蚤辭物色風塵外偏惹人間怨思深
似曳仍殘剛送客將疎欲斷尙栖禽
相知底用煩相警便逐金貂不易心

題汪訥葦秋窗玩印圖

不薄雕蟲古意濃近來蒼雅也希蹤
軒窗鶴唳秋花爛莫忘招尋到阿儂

雲間聽說顧鴻臚古印曾藏二萬餘
曠代傳人今有兩寓公博雅恰相如

春草次韻

憶昨陽回萬寸根，
羣腰一道惹吟魂。
池塘有夢香生句，
庭院無人綠到門。
認得五茸皆獵地，
誤他孤塚是烏孫。
怕叢游子天涯恨，
誰遣平蕪減舊痕。

馮孟亭侍御重赴鹿鳴宴有詩恭紀次和

蚤歲高攀月窟枝

恩筵更唱紀

恩詩難逢絳甲重，
周日正是

洪鈞一轉時。
輩行鵷鸞都屈伏，
精神龍馬故權奇。
九旬再赴瓊林宴，
餘慶由來可預知。

吳立厓方伯哭其次子郵詩索和余昨于癸丑甲寅
連失二子同病而痛尤深勉次元韻所不能以東

門吳自解也

已分彭殤付劫塵爭教骷篋收家珍淚如瀉水難償欠身
似浮雪底認真一去絕蹤原聚幻重來何日更推因詩中
堪悼仍堪羨萊子依然有老親

嗟余惡業費尋思僵臥更番慟不支

先是丙戌壬辰俱悲昔嬰而壁兒年十一

畢六經能背覆周官不訛脫一字丙申秋殤于病

此日驚聞新喪子去年喜見最

嬌兒誰料芳節將殘候竟是春雛欲墮時寄與老孀偏怕
讀愁腸千結捫愁絲

此味年來已飽諳
蓼蟲那敢望回甘
我今無後窮成獨
公

記白樂
天語

遙知爲政饒陰德
錫策從天儘數探

用雲
仙雜

頤祿堂詩鈔卷十

秀水 沈叔埏 帶湖

秦小峴廉使前輩由郎署出觀察浙東西訪遠祖淮
海先生謫宦遺蹟勒像并敕于石辱以墨本見贈

追和秦蘇第一次唱酬詩韻以識

丙辰

髯秦髯蘇膠漆投以名爲累名還憂

有名爲累子還憂桂州秦城鋪題壁句感

少游南行事而作見曲消舊聞又淮海秦郎天當時豈少

下士一身懷抱百憂中宋芮國器鶯花亭詩

賢公侯驅向郴州與雷州賢良一薦眉陽力麟鳳由來生

並域無端黨炤相擠排劉拯何人陷不測使君旂節歡輿

情遠躡芳躅躋公庭摹刻遺像元祐敕摩挲諦觀眼倍青

故紙流傳幾州縣拜像讀敕適我願淮海雲初心迹同蘇
門君子如重見憶昔掖垣交最真雄詞往往追前人前輝
後光泣吾浙江山照耀楮墨新七百年來任迴換名流天
壤誰能算西泠配食水仙王合祠竚對湖波漫

分詠越中古蹟得題扇橋送曹種梅司訓山陰

右軍清貴人國舉殆無兩以書掩其才稷帖至今倣偶逢
戴山姥覩扇覺技癢戲作五字題俾求百錢餉姥復持扇
來一笑付倘悅蹟遂千載畱橋仍拾級上君晚得儒官山
水足偃仰技旣擅臨池詩久推掉鞅此邦多美材相於其
欣賞嗟余尙祥冠著讀守書槐會聞梁楷圖尙載珊瑚網

宋梁楷有右
軍書扇圖 還期剡溪舟籠鵝問曇曠

次韻題又希兄桐陰夜話圖

與張夢髯明府錢
芑塘觀察合作

三人愛桐友成四莫問飛鳴與垂翅
心蹟何曾出處殊
居停偶傍西江吏
龍門之桐百尺強
各尋放達師
蒙莊曰艾日耆齒
相若貌出骨格須
眉蒼昔俱少年
今老醜人世蹉跎
十常九秋爽
夜長話更多曠懷
應共談林藪
老我著書松作龍
綠雲夢想仙人蓉
香鑪瀑布恣吟眺
何當一訪開心胸
吾兄負才奇不偶
驥足猶堪千里否
相於者誰張與錢
作朋正合稱三壽

青齋觀察前輩出示松亭廬墓詩次和

數歷亨塗早乞身肯教清白殫風塵板緣手築加封鬣松
憶初栽久作鱗乍喜相邀同獻歲

孟陬九日
邀集齋頭

俄驚小別過

殘春將詩制淚難終讀至性還堪感路人

嗟余送往羣公力纔踐霜淒與露淒誓墓心存愁再出循
陔事去怕重提慰情剩有中郎女歎逝俱亡孺仲妻一櫬
九溪曾預約玉壺春酒好同攜

霄水回連別一村望中蔥鬱認祠門軒窗已拓重開牖花
木新添漸養根遺子一經兼積善及親三釜更迴

恩遙知倚杖斜陽裏看盡林昏接隴昏

高墳八尺樹宜欒北墓雲連幾頃寬遠送漁歌供嘯傲閒

招野客共杯盤魚豚薦處誰嫌數鳥雀馴來解護寒心羨

吾家畱故蹟

普靜寺西北隅爲隱侯廬墓處

郊垞也覓一枝安

先贈公夢學繡村客

冬始營兩舍

魏塘書院有紫雲峯石最玲瓏余主斯院前後五年

今夏哦其下得一絕句

伴我依然有紫雲風流何減杜司勳比他青錦屏奚若流

落人間更不聞

見李節之雲間襍志

五月二十三日偕江山昆季及九弟雲泉自裴島至

眞如寺飯明洲上人禪堂作

一櫂來尋放鶴洲心驚壞壁與荒邱連雲佛屋添金碧近

水人家慣泳游僧解乞書兼乞畫客拌登塔復登樓歸塗
商畧煙波際也擬爲亭署玩鷗

玩鷗亭在永州

題戚馥林

芸生

明經寶硯圖

戚君眎我寶硯圖傳家家具光移居仙潭花溪及角里青
甌舊物存琳腴君家王父官侍從蛾班再直

承明廬

仁皇寶玩畱一二此硯

賜自攀髯初鞏州天波不足數洮河綠石仍懸殊銘以永

年

銘詞取宋唐子西語

字以玉

松花玉見聖製盛京土產詩

尙方珍抵千璫璵

百年堂構屢迴換一片石墨無模糊譬若疇人守世業況

承庭誥繩前模卽今卜築奚橋畔喜聞萬卷開芸儲手澤

摩抄日幾徧出匣秀氣凌清虛彷彿雲間高待詔誰將書

屋題松玕

高槎客

所居孫樹峯侍郎書額取聖祖御賜松花江硯爲名

我來弭櫟頻

問訊過從暇許窺籤廚畫苑簪毫憶吾祖

先王父贈吏部東谿公會供奉

春園

丹青俯視焦

秉貞冷枚

徒范馨有硯尋不得每撫遺蹟

增歛歔多君拳拳念詒厥文綾養就青瑤膚淨洗菱溪一

泓水尋常肯付鬚頭奴取次傳孫莫傳壻磨雖成臼惟劬

書荅川賜硯有故事

康熙間歸安家心齋閣學有賜硯齋集

他年接武榮鄉

間

正月二十七日袁春圃方伯招同家青齋觀察朱蔬

坪編修戚馥林明經集春早讀書堂馥林有詩次
和丁巳

高館華燈集盛才舊遊亦幸數趨陪談深漏促新年鼓興
洽花催上番梅作隊魚龍猶有戲街市尙有龍燈尋盟鷗鷺肯相
猜期君入會從今始一曲陽春誦百回

輓金樊圃學超廣文

老成重典型賓禮興道藝儂數經人師兼之信多媿先生
起一經家學足根柢君爲禾箱孝廉令嗣翻水羨爲文流沫誦有味

憶昔鄉校遊蜚聲仰拔萃兩齋擁皋比冷宦從此始及門
各飛翻晚乃收科第卅載賦歸來會余養初戒柴扉肯重

款齒杖曾載侍而胡旗鶴迎奄遽生徒棄通德空留門脩
文竟沒地蘭玉蔚交枝箕裘勉克繼質言可當此淳風亮
無墜

題陳補亭 孝彰 樂志圖

昔聞仲公理著論曰樂志背山而面流所居足游戲君產
本鹽官家門稱鼎貴鯉趨始八閩幔亭有高會壯歲汗漫
游舟車朔南暨焉知梁父艱但詠蜀道易足蹟徧人寰登
臨差快意畫且窮丹青樂已兼仁智昨君返滇雲稍覺倦
矣億五嶽須臥游三畝果歸計倩貌山澤癯傳觀邱壑美
叶 畧寫胸中奇佇拾牙後慧子亦慕高平 仲長統山陽高平人 此間

有深契一從采陔蘭十載甘衡泌買山資雖乏濟勝具粗
備展圖獲我心入林許把臂

補和伊耐園郡伯五十初度之作

誰似吾禾太守賢祝公難老怕公遷育材興藝歡多士致
兩行春慶有年實政已成三郡最新詩仍許萬人傳躋堂
壽自遽齡始會見松筠晚更堅

題鍾箬溪

大源

東海半人詩

戊午

自是詩家老斲輪彈丸脫手句清新采風不少乘輅者忍
以羸殘失此人

習氏才名四海傳李廌臥撫七條絃遙遙千載君同病把

酒停杯欲問天

肯隨流俗惜槃散

平聲

獨許君登李杜壇吳越從來重遺逸

畱將公道奏方干

貧或相同病不同一官我亦坐詩窮不平事滿人間世沒
字碑稱足穀翁

浙西風雅數新州故里豪吟足唱酬憑仗君家詩品在合
教才子預宗流

題朱竹廬

休甫

范湖垂釣圖

住近姚家景范廬生涯商畧學陶朱宦情我亦滄洲遠得
便相從汎五湖

蓮調纔聞來隔浦菱歌又聽唱臨津得魚不得渾閒事未
可輕拋獨繭綸

月明好去宿蘆花柔艣輕舟泊處家理釣收綸誰是伴還
添十五小漁娃

題江田吟香獨步圖卽送其之雲溟弟豐潤縣署省
覲

晚將詩境托林逋筇屐尋春興漸孤謝絕浮花并浪蕊寒
梅不厭白髭須

美人消息恨匆匆千里雲山有路通月落參橫惆悵甚被
人喚作趙師雄

請養歸來自在身
林泉洗盡軟紅塵
十餘年認龐眉客
我是花間一主人

卅載吟牋共酒尊
羨伊長奉北堂萱
明年第一香清候
只盼新詞寄故園

風雨蕭蕭惜別聲
去程不問問歸程
殷勤說與弦歌宰
宦蹟梅花一樣清

題魏松濤悼亡詩後

卅篇流轉敘哀多
怨起秋風不啻過
讀罷空同結腸操

一
時詞賦讓徐何

縉何景明

耦耕人已白髭須
猶說當年餽餉圖
試問中庭新卉木
迎

秋花好又開無

亡婦房前手植丹若
歿後淡歲不發一花

哭小妹

卅載貧家婦驚聞訣去言音容嗟永隔皮骨訝空存守直
侮曾禦完淳聲屢吞更誰憐最小泉路拜椿萱

孟陬三日青齋前輩偕松濤明府招集百鑑齋次韻
己未

隨意林間與水濱相逢健在薜蘿身纔過上日須開宴不
使東風便笑人愛客預藏千斛釀尋花先賞一枝春何曾
此樂輸蓬閩氣味羣公盡飲醇

題露香風木圖爲徐石軒作

園池自昔稱洋川谷量萬萬青琅玕風梢露榦寫不盡老
可醉墨曾傳真露香一亭香不歇明璣瓊珞來佳人文徐
宦蹟遠相映六百年後亭重新使君舊是松陵彥臨池最
工王右軍定武契帖數十本關中碑版爭流傳仙吏由來
節文學公餘憩此多清閒曰歸兜率亦云久猶誦使君美
且仁使君有子克紹續黃圖綰綬初旋輪曩時奉母思厥
考安得周昉移其神勁香窩記行歷處灤谷水瀉連髮山
數點梅花儼靜女幾株松樹森蒼官元之作記慰罔極洛
陽好手推楊丹今茲畫圖無乃是不貌尋常貌使君我知
子孝過孝肅見隋書置席定省仍晨昏存亡事異感則一皇

魚之淚何時乾事亡如存比刻木後有顧薇前丁蘭木不
必肖畫必肖畫如能語兒心歡辭榮戒養猥同志羨子庭
玉怡堂萱覽圖握管易觸忤沈吟灑涕空沈瀾

莊竹溪徵君招集觀稼樓賞菜花次德立齋

豫

大使

韻

千稜芳蕖映綠苔郊扉廨舍記曾來早從楊柳陰中見都
向桃花淨後開初綻便教春色滿久畱只怕夕陽催豐年
先作黃雲兆共慶應須倒百杯

披豁全無俗慮侵高樓良讌此遐臨溝塍細鑠仍分繡田
地平鋪盡布金百尺預賒觀稼目三春不負看花心相逢

仙吏多才調勝踐還期次第尋

階畔玉簪老少年秋來頗覺爛漫率賦

幾枝草卉炫貧家開向空庭也鬪奢冠豈珥貂遺白玉頂

非馴鶴剩丹砂

志載宋山陰趙宗萬築室於照水坊蓄一鶴號丹砂

底須好種從人

乞還擬清尊對客誇賺得主人吟骨健春花不愛愛秋花

莊竹溪表弟六十

憶昔投紱歸平生樂陔養知我惟徵君密親屢還往今日
偕逢辰素心集吾黨君慕九老會予慙五年長飽看葦溪
花恣泛澎湖榜卽今屆弧辰雲天正清朗早菊亦已斑晚
桂猶堪賞多孫況充閭有子俱競爽要令薄俗敦庶幾少

年倣相於林中期鄉國以次杖絳甲會重周歲吸金莖沆

題畫

背荷山中書

魏志黃鶴山巾事

足躡澗邊舄

安期服菖蒲事

橫林木葉丹

界道泉流白倣古采眞遊居然紫芝客

徐春田紅亭日記題詞

詩筆彌工手自箋水郵山驛綴成編異書添與閒窗讀

書引

凡百二十種

欲抵乘輶路幾千

謝莊別得山川理裴秀甄爲地域圖多少行裝誇巧宦有

誰鞍馬著書無

下馬看碑發浩歌雅材觸景費梭羅紀遊我亦分燕豫

余有

丁未南還水程日記覽古輪君一倍多

春日出峽集題詞

宦囊只剩數篇詩出峽言旋喜可知
嬴服亂頭看總好照人絕似儔容儀

相逢驚座故人盃

謂陳伯恭同年時視學湖北

峯對蛾眉屏宇開見說

漢江烽火熄誰憐辛苦賊中來

君子荆門州遇賊

移家徑就白鵬亭高士芳蹤更乞靈
取次積書三十櫝宵

分課子一燈青

分水卽今移講席

君歸里主烏青分水書院

東湖疇昔築詩壇遙知水

木多明瑟能使生徒共振冠

千樹桃花繞竹門，延緣不復辨仙源。明年水綠花紅候，一

擢來尋錦浪村。

君鄉近多種桃者，故有錦浪村之目。且訂余春游。

傷西鄰王道士次唐人劉夢得韻

夢得集傷桃源薛道士詩首句云：壇邊松在鶴巢空。王號鶴巢，故次其韻。

授經人去學堂空，無復書聲冷巷中。

鶴巢通儒書，以授徒爲業。花樹滿

庭，多手植，重來惆悵立東風。

精嚴寺石塔房之月松堂，余年三十時與曹葯亭盛

春谷三人文讌地也。嘉慶庚申仲春二十一日載

酒重遊，同人小集，則房已改，稱殿角，僂指三十五

年矣。感賦二詩，邀曹盛兩君同作，并索坐客和章。

庚申

故人聚散最關情況復僧寮此合并所媿盃盤無長物曾

經硯席有餘清畫長竹院仍聞鷺

寺多山
啄木

春暖芳郊約聽

鶯三十五年成一瞥肯都拋卻學無生

春谷長
齋故云

來與斯堂證夙緣咸通石塔故依然桑陰宿處迷前度梓

樹花開憶往年振翼久忘吞鳥夢

用崔日
知詩語

現身休問野狐

禪

薪亭會
被狐魔

也知未老才先盡能助詩情物候妍

還硯圖歌倣吳梅村體爲馮百史歲同年作

國初以來數名胄代州馮在宣徽右方伯

如京

箕裘擅二難

大參

雲驥字
訥生

況是詞科秀此硯質薄材獨良

硯銘質云薄
矣而賦性則

良隨我兮山顛水涘
而出入詩囊誦生

吳山越水隨詩囊荷盤暫屈來榆塞

玉尺曾提到錦江

从韓叶

爾時琳腴只一片國寶早登文德

殿七言絕調紀潼關五字兼工詠雲棧落紅花點幾黏香
新浴女膚偏襲潤主人惜硯如惜珪能使條紋映輶傳流
落東南百十年背陰有款何人辨斷壁殘璋棄等閒馬肝
龍卵虛珍玩漆匣常拋氣不蒸文綾失養塵難浣叶心許
何從識蒯鰲手書那得通袁象端公固是有人心之子須
邀青眼盼同姓雖云古所敦勢交最易嗟朝薜設非相遇
賢豪間脫贈焉能無所吝吾黨馮郎人俊拔萬石家兒稱
第一大參都諫兩齊名君是當年五世姪先公歷仕蔚棠

陰綺歲趨庭滯吾浙拓上尚書揀聳才禾中年輩推髦傑
擇爾空教監簿勞燒之合讓君苗拙復歸細認龔幃友
獲翻疑鄭坊物文房圖寫紫方館書府持還蒼玉質依舊
綺斑異彩騰曾經繡澀春雲活碧玉請書江海賦紅妝磨
試淵雲筆卽看女史

曹貞秀

與題籤格仿簪花妙波撇綺語

由來洗未能清談聊借歌巾說嗚呼君攜此石踐亨衢大
小馮君嗣令譽何必范喬能感涕知君展卷也歛歔

九月廿四日陳花南司馬招集漪園次漁洋雨登湘
中閣詩韻時余將有章門之行

未看南浦雲先賞西冷雨揭來湖曲園明發富春渚詩昌

一老推

謂蘭泉司寇

酒困千巡數咫尺到達壺

舊有小蓬萊亭

溟濛失

煙嶼倘寄懷人篇無忘贈行語

題汪吾山

鐘

同年風木圖

時爲瑞安令

寒飈無靜柯遊子感風樹宦迹亦何常終身有餘慕汪君
性行純孝思託毫素養薄而祭豐相衡不知數溯昔宰信
豐追蹤緬童孺儼若先人廬依然縣尉署鯉庭難再趨鴻
雪仍匆遽遺愛在窮檐口碑徧行路遺詠在巉巖手澤墓
題句桃水與香山一一釣游處子舍猶可尋親顏豈能駐
用是慟耶吾言之淚如注我昨來章門與君驀相遇因憐
同心人更羨美無度已矣采蘭篇傷哉白華序

叶

拋憾竟

終天含悽到濡露君今泣靖安山以石門著心誠孝所推
化洽春同布一尊惜別深千室歌來暮努力貽令名勉紹
循良譽

題陸初齋先生歸田讀書圖

遼亭同年令祖

薄俗趨紛華醇脩勵澹泊得時殊榮枯領趣判奢約先生
起賢書接武紹家學屢下春官第暫秉仙源鐸雲海盪心
胸天都饗筆囊秩以製錦遷治乃鳴琴託山縣宰未幾田
園蕪已昨歸歟吾道俱肯爲微名縛笑脫闕嶠鳬閒飼婁
江鶴投林快息游開卷恣吟喟於焉傲羲皇豈日耽邱壑
一經遺雲祢千載仰述作嗟予久遂初同志非盍各借問

應官忙何如讀書樂

題萬廉山大令待渡圖

合嵐

南昌縣東地名

萬侯擅三絕繫天星宿胸羅列竭來眎我待

渡圖意態居然雄且傑自言疇昔覽穰苴綺歲能騎生馬
駒若令踰塞蚤投筆倘使出關甘棄繻請纓有路非虛願
君先有請纓圖磨盾工文誰不羨書生屢困舉場中一笑從軍且
觀戰旌義哀忠文益豪飛書走檄詫枚臯洗兵小試平苗
策上馬何辭擊賊勞將軍呼作同袍友大吏倚如左右手
敘功行就選人銓君獨掉頭稱否否報

主酬

恩一劒寒入質慷慨急時難鳬飛暫屈銅章吏鶴俸偏羞
幕府官結束鞞刀簡儼從戎裝肯忘青絲鞵莫愁欲渡河
無梁巨川舟楫須時用獨扛健筆埽欒槍側席求賢仗
廟堂賊勢卽今將殄滅民生亦待撫循良衙齋邂逅玉山
倒花徑他年爲君掃持服纔從茂苑歸娛親未覺椿庭老
我亦曾叨感遇奇蹉跎暮齒負清時聞琴怕唱離鸞曲

倬遙室

伏櫪空懷老驥悲壯心寫出煩畫史所惜君才非百

里哦詩傾创意何如冷眼能知天下士

贈袁州太守王石長六兄次昌黎量移袁州贈張端

公詩韻

辛酉

伯仲聲名玉不如早聞領郡拜

恩除文江久訝停車騎

客冬予至章門值君西吉水

上淦空勞寄鯉魚

泊子自新淦遊崇仁再辱君手書卻未接到

宦繼韓公爭羨爾人來秀水獨慙

予

宋雪川朱魯公勝非有秀水間居錄

重提十五年前話曾共影纓復曳裾

正月廿九日登宜春臺觀李花作

宜春臺畔雪參差纔過風揉雨練時花不見桃惟見李到來始曉退之詩

題元人馬文璧畫

絹素微茫點染濃雲山疊疊樹重重不知吳楚東南境卻向元人見北宗

轉海乍看城郭近收江不惜道途遲檣帆如櫛都停泊未
是乘風破浪時

東湖脩禊詩

并序

辛酉重三日惟己卯黎湛溪陸遠亭兩大令集同官賓
佐十人脩禊于南昌之百花洲循故事於芳辰極娛游
於暇日致足嘉也適余歸自宜陽拉之入坐惟時惠風
扇和嬌鳥餘弄春水盛漲鯈魚出游相與鬪橘叟之基
嘖仙人之杖酒酣以往諧噓流連夫晉人觴詠出自清
談非

盛時所尙固已顧宦達

承平道味張弛必欲勞形簿領埽軌游觀揆諸大雅通
材亦無取爾今者及時行樂卜晝爲歡微雨君爲政風
流剽煩游刃安得於公退之餘從容文譙若此嘗慨吏
治之難其人也以彼叫囂乎東西隳突乎南北無所望
于息肩矣而刀筆篋篋者流敲扑犯其慮謀訴裝其懷
昕夕揅過而不遑又豈可與語一日之澤者哉然則對
千頃之波瀾考九津之疏濬將必有贊蔡廓韋丹之績
而不能自己者而非徒樂乎斯遊也諸君時棟蓮幕多
才而我散樗華筵得與客雖不速人且言旋蓋向之歡
然者繼而黯然於是歌既醉贈將離驪駒在門燈火引

路是舉也僉謂之采蘭東湖抑同于折柳南浦也夫

返櫂沿袁江歸程問浙汜茂宰先期邀羣賢不弔鄙俟我
城東隅宛在水中沚契辰豈可孤勝踐良有喜淳風追沂
雩積俗挽溱洧卽景懷往昔小憩頓行理亭訪梅真人園
尋陳處士詩派徐師川孝思李虛已爰有蘇雲卿乃同徐
孺子閣迴署臨湖堂空題此洗一一緬芳蹤紛紛迷故址
老去朝蹟收欣茲釣磯峙隔岸叢竹竿遙林映花蕊萬柳
絲芊眠三洲水清泚同人爭祓蘭有客善采杞

謂彭君秋
潭時以吉

水令膺
卓薦

譚深明亦佳肴多酒復旨玉屑四坐霏金波

洪州
酒名

百觴累簫什易成吟墨皇難媿美高會垂千春短引續上

已行矣飛片帆懷哉託雙鯉

畱別黎湛溪

邂逅論交淡更成如君才品未登瀛牙籤日富饒書癖綺
歲風流溢政聲要矢循良酬特達期多嗣續振單綈

君累葉單

傳故云

汝南人物誰堪匹底用重尋月旦評

汪龍莊灌園圖

君是當年元道州春陵小試志甯酬之官預作田園計肯
落清時第二流

菜茹無多只一畦比他冀缺儼仍攜

冀缺攜儼本陶詩

此圖我最

添振觸偕隱曾無舉案妻

韓城門下獨推賢得第輪君早著鞭抱囊更從何處汲出
山泉是在山泉

昏夜來投洽主賓廿年離合倍情親須知把酒論文者卽
是南歸學圃人

題家聽篁

鏐彪

茂才會經滄海圖

壬戌

清時裨海亦通津羨爾趨庭有老親曾在紅毛樓上望一

鯤身到七鯤身

安平城傍自一鯤身至七鯤身
皆沙岡性堅如石見渡海輿記

兩島金門與鷺門

卽今廈門

占風只共亞班

船師名

論放開眼界

胸俱拓直向樽桑看浴噉

阻絕橫洋地一彎

凡往異城順勢而行惟臺與廈藏
岸七百里號曰橫洋見赤嶺集

澎湖

卅六島迴環船風引去知何處蓬闥由來咫尺間

賦手詩情對景誇東溟西嶼日兼霞

臺灣入景有東溟曉日西嶼落霞

書

生吟嘯神情王準擬他年泛使槎

題王若農瀟湘並懼圖卽送其之任西林

瀟湘多景連揚粵仙侶舟移後先發一持蕩節趨還

朝

謂裴山學使圖卽其所寫

一綰銅章催赴

關還鄉水上重題襟送爾灘江達上林此去湘帆依舊轉
好憑迴雁寄清吟

子穆詩鈔題辭七首爲海鹽陳寶摩

石麟

教諭作

兩宋詩人十五家曾從渤海見津涯一燈菊磻傳枝裔坡

谷門庭總不差

君高祖宋齋先生選宋十五家詩後列菊礪處士其遠祖也

晚託新知預讌談
銜杯學舍恣沈酣
故鄉未共秦橋望
勝

踐先偕禹穴探

先一日同謁禹陵

競秀爭流滿眼前
浙西無此好山川
崔嵬傑句須題徧
挫

費王郎九萬賤

讀史重將古說陳
篇篇律隨關
清新謝中丞
與曹端尹同

調如君得幾人

詠史七律近惟謝蘊山撫軍曹儼笙詹事專集刊行

最羨聞詩有鯉趨
屏牆況復列生徒
后山集記誰能作可

有門人魏衍無

話到旗亭貰酒時
蹇驢踏雪撚吟髭
名場熱趕都堪笑孰

賭黃河遠上詞

越女畱人未忍回
冷官門巷夕陽催
唱酬爲樂他年事
不負名山儻再來

頤祿堂詩鈔卷十畢

書頤絲堂詩鈔後

先司勳公詩稿不下萬首琴操曰左戢亭初集春秋樂府
曰天葩獨秀集詠物曰垂露編曰寄雲草皆少作也編年
始庚午至乙亥曰左戢亭前集丙子曰七十二峯閣集丁
丑至己卯曰左戢亭後集庚辰辛巳曰小葺山房集壬午
曰輦道集癸未甲申曰塗利集乙酉至辛卯曰奚橋婦舍
集壬辰癸巳兩年缺甲午以後至乙卯凡廿二年曰形雅
堂集丙辰至壬戌曰攄頌堂集皆題隨手稿有待刪存自
丁未陔養以後手編頤絲堂文集成帙詩則未暇也雲泉
九伯力任編定嘉慶丁丑戊寅遊楚僅得寫定文集十六

卷律賦二卷畀余刻之武昌詩篇繁重里居多冗仍未校

出

維鐫

媿不能詩每一念及如負芒刺使車倥偬職守羈

延因循者有年至道光戊戌以兩耳重聽蒙

恩予假滯留都中迺發篋出之約內姪顧補拙按年補鈔

定自庚辰年起前此殘缺過甚也先是余鈔得形雅堂二

冊請幕中吳門陸方山司訓評選司訓素能詩也及是併

庚辰以後諸冊敬寄大梁書院求同年錢心梧給諫勘定

給諫精審去畱悉心訂正賜之序言於先公

服官行己本末具見厓略簡帙雖約而精華備焉

維鐫

錄

成十卷題曰詩鈔於丙午歸里之次年秋始付梓人閱歲

竣事校正數次幸少脫誤以是質諸鄉里諸詩老及舊與
先公有過從之雅者冀以少釋余小子擣昧遲延之咎
而復自憾所以上報 先公者僅此而已追念 先公教
督期望之殷輒呼負負幸得給諫司訓兩君佐余不逮遲
之又久乃藉手以觀成此則 先公著作之苦心有以呵
護之而非小子之能爲役也戊申八月之望 從子維鐫敬
識